

४६

एषो उषा अपूर्व्या बुच्छति प्रिया दिवः । स्तुषे वामश्विना बृहत् ॥ १ ॥
 या दत्ता सिंधुमातरा मनोतरा रयीणां । धिया देवा वसुविदा ॥ २ ॥
 वच्यंते वां ककुहासो जूणायामधि विष्टपि । यद्वां रथो विभिष्यतात् ॥ ३ ॥
 हविषा जारो अपां पिपर्ति पपुर्निरा । पिता कुटस्य चर्षणिः ॥ ४ ॥
 आदारो वां मतीनां नासत्या मतवचसा । पातं सोमस्य धृषुया ॥ ५ ॥
 या नः पीपरदश्विना ज्योतिष्मती तमस्तिरः । तामस्मे रासाथामिषं ॥ ६ ॥
 आ नो नावा मतीनां यातं पाराय गंतवे । युंजाथामश्विना रथं ॥ ७ ॥
 अरिचं वां दिवस्पृथु तीर्थे सिंधूनां रथः । धिया युयुज इंदवः ॥ ८ ॥
 दिवस्काण्वास इंदवो वसु सिंधूनां पदे । स्वं वचिं कुह धित्सथः ॥ ९ ॥
 अभूदु भा उ अंशवे हिरण्यं प्रति सूर्यः । व्यख्यज्जिह्यासितः ॥ १० ॥
 अभूदु पारमेतवे पंथा ऋतस्य साधुया । अदर्शि वि सुतिर्दिवः ॥ ११ ॥
 तत्तदिदश्विनोरवो जरिता प्रति भूषति । मदे सोमस्य पिप्रतोः ॥ १२ ॥
 वावसाना विवस्वति सोमस्य पीत्या गिरा । मनुष्वच्छंभू आ गतं ॥ १३ ॥
 युवोरुषा अनु श्रियं परिज्मनोरुपाचरत् । ऋता वनथो अक्तुभिः ॥ १४ ॥
 उभा पिबतमश्विनोभा नः शर्म यच्छतं । अविद्रियाभिरुतिभिः ॥ १५ ॥

४७

अयं वां मधुमत्तमः सुतः सोम ऋतावृधा ।
 तमश्विना पिबतं तिरोऽह्यं धत्तं रत्नानि दाश्रुषे ॥ १ ॥
 त्रिवंधुरेण त्रिवृता सुपेशसा रथेना यातमश्विना ।
 कणासो वां ब्रह्म कृण्वंत्यध्वरे तेषां सु शृणुतं हवं ॥ २ ॥
 अश्विना मधुमत्तमं पातं सोममृतावृधा ।
 अथाद्य दत्ता वसु बिभ्रता रथे दाश्वांसमुप गच्छतं ॥ ३ ॥
 त्रिषधस्ये बर्हिषि विश्ववेदसा मध्वा यज्ञं मिमिक्षतं ।
 कणासो वां सुतसोमा अभिद्यवो युवां हवंते अश्विना ॥ ४ ॥